



Pravilnik o Vakufu

**Islamske zajednice Bošnjaka
u Švedskoj Džemat Stockholm**

Org. Nr. 802017- 6882

Na osnovu člana 35. Statuta Islamske zajednice Bošnjaka u Švedskoj – Džemat Stockholm, Skupština Džemata na svojoj sjednici od 28. 11. 2020. godine donijela je

PRAVILNIK

o vakufu

Član 1.

(Svrha)

- (1) Ovim Pravilnikom u skladu sa Statutom Džemata reguliše se vakuf i rad Komisije za vakuf.
- (2) Komisija za vakuf vodi brigu o Džematskom vakufu, upravljanju, raspolaganju te vakufskim sredstvima.

Član 2.

(Vakufska imovina)

- (1) Vakufska imovina džemata je:
 - svi objekti i zemljište koji su u vlasništvu Džemata,
 - vakufski fond.
- (2) Prilikom upravljanja i raspolaganja vakufskom imovinom obavezno se primjenjuju šerijatska pravila o neotuđivosti vakufa kao i sva pravila i propisi koji su doneseni u okvirima IZ u BiH i njenih ustanova.

Član 3.

(Sastav Komisije za vakuf)

- (1) Komisiju za vakuf čini pet članova od kojih su predsjednik Džemata i imam Džemata članovi po funkciji.
- (2) Komisija za vakuf sve odluke donosi većinom od ukupnog broja članova Komisije.

Član 4.

(Zadaci)

Zadaci Vakufske komisije su:

- promocija vakufa,
- održavanje i unapređenje postojećih objekata, i održavanje i briga o zemljištu koje je u vlasništvu Džemata,
- kontakt sa vakifima,
- godišnje organiziranje okruglog stola o vakufu.
- oglašavanje Projekata u kojima članovi dobrovoljno mogu donirati svoje vrijeme i rad na održavanju i uljepšavanju vakufa.

Član 5.
(Arhiva)

(1) Dokumenti o vakufu se trajno čuvaju. Komisija vodi zapisnike o svom radu i prilaže u arhivu sve dokumente koji prate vakuf.

(2) Komisija u svom radu treba da prati ekološka rješenja i određuje prioritete za rješenja koja štite zdravlje i okolinu.

(3) Za sve radove i restauracije vakufa, Džematski odbor će informirati Komisiju.

Član 6.
(Stupanje na snagu)

Ovaj Pravilnik, kao i izmjena ili dopuna ovog Pravilnika, stupa na snagu od narednog dana od dana njegovog usvajanja.

Član 7.
(Datum usvajanja)

Ovaj Pravilnik usvojen je na Skupštini Džemata, održanoj dana 28. 11. 2020. godine.

Stockholm, 28. 11. 2020. godine

Predsjedavajući Radnog predsjedništva

Mustafa Šetkić

